



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Unus Pro Omnibus, Hoc est: Christus Jesus Dei Filius**

**Ginther, Anton**

**Augustæ Vindelicorum, 1733**

**VD18 12431648**

Consideratio LVIII. Cur Salvator mundi nudus in cruce affigi, & pro nobis nudus mortem subire voluerit?

[urn:nbn:de:hbz:466:1-45934](https://nbn-resolving.org/urn:nbn:de:hbz:466:1-45934)



CONSIDERATIO LVIII.

Cur Salvator mundi nudus in cruce pendere, & nudus mori pro nobis voluerit?

*Milites acceperunt vestimenta ejus. Joan. 19. 23.*

I.

**U**T umbra corpori, sic figura in Sacra Scriptura debet correspondere suo figurato. Adam primus omnium parens Christi Domini figura & umbra fuit, prout in antecedentibus explicavimus, oportet ergo, ut & figuratum cum sua umbra correspondeat. Adam in meridie peccavit, dum manus ad arborem scientiæ boni & mali extendit: eadem horâ Christus ad crucem manus suas expandit. Adam quia nudus erat, summopere post lapsum erubuit: Christus hanc nuditatem in cruce luit: *Tota die vere Plal. 43. 16.*  
*cundia mea contra me est, & confusio faciei meæ cooperuit me.* Adam horâ nonâ diei, hoc est apud nos, horâ tertiâ pomeridianâ nudus è paradiso ejectus est: Christus eadem horâ nudus paradisum ingressus est. Adam erubescens nuditatem, Occidentem respiciebat, prout probat Mallo-nius & alii, ubi audivit vocem Domini deambulantis ad auram post meridiem: Christus, ut Patrem placaret, faciem suam in cruce ad Occidentem convertit. Adam ut tegeret nuditatem carnis, ad arbuta confugit & ad folia ficûs, quibus inferiorem partem contexit: Christus, ut aliquo modo erubescenciam suam tegeret, velo eâ parte con-  
 tactus est, quam natura tegendam docet. Nescio, an tormentum ul-lum aliud pientissimo Redemptori nostro gravius acciderit, quam de-nudatio ante crucifixionem, ubi nudus stabat coram tot efferatis ho-slibus. O impudici! attendite & considerate, vos causa estis hujus injuriæ & contumeliæ.

2. Revertor ad Adam: Ad quid, obsecro, in nuditate tua pavi-dus latitas in medio ligni paradisi, dicens de longe ad DEum adven-tantem: *Vocem tuam audivi in paradiso, & timui, ed quòd nudus essem? Noli Gen. 3. 10.*  
 ampliùs formidare, ô Adam! progredere, & in montem Calvarium te confer, en habes hic nuditatis tuæ socium, ipsum Dei Filium; si

E e 2

mimi-

- memineris adhuc, audiisti ex ore illius olim in paradiso: *Ecce Adam quasi unus ex nobis factus est.* Jam tu illi, sed omni cum humilitate, impropere potes: *Ecce Deus quasi unus ex nobis factus est;* Ego nudus in paradiso, & tu nudus in cruce? sic nimirum luit Dominus, quod quondam deliquit servus. O filii Adam! omnes nos nudi egredimur ex utero Matris nostræ: *Nudus egressus sum de utero matris meæ, & nudus revertar illuc;* dicebat quondam patientissimus Job; sed advertè hic,
- Job. 1. 21. anime mi, non nudi admitemur in regnum æterni Patris: *Amice,* dicebat quondam Rex ad mendicum, *quomodo huc intrasti, non habens vestem nuptialem?* Et tu sine hac veste nuptiali & sine bonis operibus vis intrare in regna cœlorum? hoc non credo. Veniamus ad alia.
3. Noë Patriarcha nudus in tabernaculo dormiens, & ab execrando filio Cham irrisus, ac protervè illusus pari modo Christi in cruce nudati figura fuit à Judæorum populo subsannati: *Prætereuntes autem blasphemabant eum moventes capita sua &c.* Sed observa: Noë à Sem & Japhet retrorsum ad patrem suum accedentibus pallio honestè coopertus fuit: Sic piè credendum est, Christum ab initio quidem, detractis violenter vestibus, toto corpore nudatum ad suam accessisse crucem, sed heu! quo & quanto cum rubore ac verecundia! exinde verò velo quodam circa verenda esse velatum. Ita refert S. Birgitta multorum arcanorum Dei conscia, cui Beatissima iuxta ac dolorosissima Virgo & Mater insinuavit: *Filio meo stante, sicut natus erat, nudo corpore, unus tunc accurrens apportavit velamen, quo ipse exultans intimè, velabat verenda sua;* quod velamen Aquisgrani adhuc hodie religiosè asservatur, cujus particulam non levem in Monte Sancto Andechs in superiori Bavaria quondam conspicatus sum.
4. Michol Regis Davidis uxor, ubi eum vidit denudatum, & coram arca Domini subsilentem atque saltantem, in corde suo despexit eum, ac redeunti dixit: *Quàm gloriosus fuit hodie Rex Israël, disperiens se ante ancillas servorum suorum, & nudatus est, quasi si nudetur unus de scurris.* Angelomus & alii allegoricè hoc exponunt de Christo in cruce nudato: *In qua cruce, ait, velut nudus eis apparuit, dum potentiam divinitatis suæ illis abscondens, infirmitatem tantum carnis ostendit.* Et quemadmodum David nudus, Ephod tamen lineo præcinctus à Michol irrisus & subsannatus est, ita & Christus, Filius David, nudus, solo linteolo reclusus impiæ Synagogæ in cruce summo ludibrio expositus fuit: *Omnes videntes me, deriserunt me.* O vermis, & non homo! *Opprobrium hominum, & abjectio plebis;* & quemadmodum vermis intuentibus horrore est, & sine misericordia à prætereuntibus pedibus conculcatur: ita & Christus in passione & crucifixione plenus vulneribus & denudatus, horro-

Job. 1. 21.

Matth. 22. 12.

Matth. 27. 35.

S. Birg. lib. 1.  
Revel. c. 10.

2. Reg. 6. 20.

Angelom.  
hic.

Psal. 21. 8.

horrorem faciebat aspicientibus, non enim erat ei species neque decor; conculcatus autem fuit, prout ipse per os Regii Vatis ad Patrem clamavit: *Miserere mei Deus, quoniam conculcavit me homo.* Textus Chaldaicus legit: *Adversarius meus, homo peccator, qui dum mortaliter peccat, iterum crucifigit, & calcet Christum.* O JESU! verè omnium hominum abjectissime & miserrime! quousque te ob salutem animæ meæ humiliasti, ut ex inferni faucibus me redimeres? Et ego non amem te? *Oblivioni detur dextera mea, abhareat lingua faucibus meis, si non meminero tui.* O JESU pro me crucifixe!

5. Joseph in pluribus typus Christi fuit, dum à Patre missus est ad fratres pascentes oves: Sic Christus, à Patre missus est in carnem, ut nos, quasi fratres suos, salvaret: dum à perfidis & invidis fratribus, quasi agnus mansuetus à truculentis lupis, captus, & ligatus, illusus, in veterem cisternam fove demissus, & exinde Ismaëlitis viginti argenteis venditus est; Ac tunc præsertim Christum præsignavit, ubi nudaverunt eum tunicâ talari, & polymitâ, mittentes, qui serrent ad patrem, & dicerent: *Hanc invenimus, vide utrum tunica filii tui sit, an non?* quam tunicam dilaceratam, & in sanguine hœdi intinctam, ubi pater vidit & agnovit, cum lacrymis exclamavit: *Tunica filii mei est, fera pessima comedit eum, bestia devoravit Joseph, scissisque vestibus indutus est cilicio, luges filium suum multo tempore.*

Ad te me converto, O Virgo & Mater dolorosissima! quis tibi tunc erat sensus, quando ipsa præsens in Calvariæ rupe vidisti illam tunicam, quam tu quondam fecisti, nunc proprio Filii tui sanguine intinctam, ipsumque denudatum, & jam tertio excoriatum, ac tandem in infami ligno luctuosissimâ ac miserrimâ morte expirantem? ad cujus conspectum sol obscuratus est, & tenebra facta sunt super universam terram; Quid, inquam, tu ad hæc, O Virgo & Mater omnium afflictissima? Recordare hujus confusionis & ignominie intolerabilis; & succurre nobis, quando nudi egrediemur de hoc mortali corpore, ut non æternum pati debeamus confusionem.

6. Hic adimpletum fuit illud Isaie de Christo vaticinium: *Et extendet manus suas, sicut extendit natans ad natandum.* Mergebatur tunc Mundus, & totum genus humanum erat in periculosissimo constitutum naufragio; nemo juvare poterat, nisi solus DEUS & Homo Christus: Quid fecit? Pro omnibus nobis, ac singulis nudus, vestisque in manibus carnificum linquens, in cruentum doloris pelagus se projecit, ut nos naufragos è profundo peccatorum & æterna perditione eriperet. Audi ipsum per os Jessæi Vatis loquentem: *Veni in altitudinem maris, & tempestas demersit me.* O JESU! O Amor crucifixe!

quantum tibi obligatus est Mundus, & omnis homo vivens, quia unus pro omnibus mortuus es; quam veritatem ponderans, & recognoscens S. Paulus dixit: *Qui dilexit me, & tradidit semetipsum pro me.* Hoc est, subintrat hic S. Bernhardus: *Tradidit semetipsum pro me, quia eadem charitate, qua mortuus est pro omnibus, mortuus est pro singulis; & pro me & te; o Lector charissime! Quid ergo illi retribuemus?*

Gal 2. 20  
S. Bernh. ser.  
42. in Cant.

7. S. Bernhardinus Senensis adhuc adolescens se ipsum nudo IESU in cruce pendenti consecravit; Cum enim in illa ætate florente ignoraret, quam vitæ rationem & statum deberet eligere, ad crucifixum Dominum se recepit, coram cuius imagine humiliter prostratus, divinam exquirebat voluntatem, quidnam in re tanti momenti sibi esset agendum? Et ecce ab ore pietissimi Redemptoris nostri crucifixi has voces attentâ aure audivit: *Fili mi, tu me vides hic nudum, & clavis affixum cruci: Si me diligis, hic quares, & invenies: sed tu nudus sis, & crucifixus, ut ego sum, sic me facilius invenies.* Quibus Christi verbis commotus, S. Franciscum Seraphicum, quem nudum Christum crucifixum secutum & ita piissimè mortuum optimè agnoverat, & ipse pro omni possibili modo sequi decrevit. Ecce quam verum sit, quod

Waddingus  
in Annalib. &  
Hadr. Lyr.  
114. c. 4.

S. Hieron. c. 3. S. Hieronymus in sua Regula ad Eustochium quondam scripsit: *Nudus Iesus nudos quarit amicos & Sponsos.* Quomodo tibi, o Lector! hæc lectio placet? Visne esse opulentus, vel potius nudum sectari Christum?



CON.